

محراب

انفوقی ، اجتماعی ، فلسفی ، تاریخی ، ادبی مجموعه
شیدیلک اون بش کونده نشر اولونور

منهجات :

۶۵	فلسفه نشر یاتنده برترقی خطوه سی	« مصاحبه »	محمد امین
۶۷	ابن تیمیه	« تاریخی »	شرف الدین
۶۸	شهاب الدین سهروردی	« فلسفی »	یوسف ضیا
۶۷	بیله زلره قدر	« ادبی »	ملک ضیا
۶۸	مثل اعلا	« کلامی »	شرف الدین
۶۹	قیرغیز وقازاقلر	« اتنوگرافی »	رفت
۷۰	بروسه شهری	« جغرافی »	محمد شرف
۷۱	حی بن یقظای	« رومان »	ابو طفیل
۷۲	غزل	« شعر »	محمد صدیقی
۷۳	صیرچه سرای	« شعر »	حسن عالی
۷۴	ذلیخا	« شعر »	عابد
۷۵	ماضی	« شعر »	اسماعیل نامی

شهزاده باشی : اوقاف اسلامیة مطبعه سی

— ۱ —

غزللرمدن بر قدح یابدم ، و سوکیلی یه بو قدخله شعرلریمک شرابی صوندم . خیاللرمدن بر تول
 آوردم . و سیاه ، کرلکلی کوزلره قدر این قمرال صالمک کاکلرینی بو اینجه و تترک توللره آوردم .
 هنچقرقلرمدن بر شرقی بسترله .م ؛ و بو آلم نغمه سنک دالغهلرله سوکیلی نک خیرین کورکلنی اوقشادم .
 کرز یاشلرمدن پارلاق عکسلی بر کول بریکدیکدیردم ؛ و بو کولک کنارده آلتین تشیهلردن
 بر طاراقله سرکیلی نک بلور ارموزلرینه دوکران قمرال صالمرینی طارادم . و نهایت مرثیهلرمدن
 برکفن یابدم ؛ و زوالی ، قیریق وجدیمی بو کفنه بورویه رک اضطرابلرمدن بر مزاره کیردم .

— ۲ —

دون آقشام اوزاقلرده بر علو پارلیوردی . بو دوکدیریمی قیش کیجه سی کوکنک صوغوق
 و سیاه کوکسندمه میلیونلرجه قلدن آقان بر قان دره سی قزیلغیله آتشلر یاییلدور ؛ قارا کلق ،
 اسرارلی داغلرک یماجلرینی صاریوردی .

اوزاقلرده بر یافغین واردی ؛ باطان کونش کی ، چیرپینارق سونن قلم کی صوک چارپنتی لری ،
 صوک تترک واولکون نفسلرله بر یافغین واردی .

قالین پالطومه بورونه رک ، باستونمه دایانارق جهنمک بو یکی فیشقیراق دلیکنی ، بو یاقیچی
 اولدیریمی پنجه یی - وارلغمه او قدر چوق یاقین اولدینی ایچون - کورمکه کیتدم .

دیشاده سیاه اولوم کیجه سی غضبه هایقیراق ، قودوراق آتشدن وعلودن آغزیه ، قورقونج
 روزکاری اوفلیوردی . قارا کلق یولده ایلرلرکن ، قولاقلمده یورغون اینتیلر اوغولدادی .

یپراقلری دوکولمش قورو ، چیللاق آغاچلر ؛ اوزون سرویلر روزکارک آجی نفسیه چتیردایارق
 ایکیلدکجه مزارلرندن چیقمش اسکاتلرک اسرارلی فریادینی خاطرلاتیدیلر . و بن بو نهایتسز اولوم

دکزندمه بریجک حیات ، صوک تترمین وصولویان ایشیق ؛ اوزاقلرده علولرله چرپینان قلبی کورمکه کیتیم .
 شو داغنیق سطرلری قارالارکن عقم کی وجودمده پریشان .. قوللرم یورغون ، آلم آتله یاییورد .

زوالی دفتر ! بیلدورمکه سن هیچ برشیثک . صاری بکزی کاغدلرینک عمری بلکه بدن دها
 قیصه در . بلکه برکون سنی شو او جاقده یانان آتشه آتارم ؛ کوزلریمک اوکندمه غیب اولورسک . یاخود

اولاییلرکه بدن فضله یاشارسک ، و شاید سکاخی صورارلرسه « بر انسانک قلبی یم . دیرسک .
 سومن اضطراب چکن و آوان بر انسانک قلبی یم . » نه ضرر وار ، ایستراوقونیسون ، ایسترا

یاچاورملر کی یره آتیلین . اگر سنی یالکز بونک ایچون یاشامش اولسه یدم شمدی هیچ
 دوشونمدهن شو او جاقه آتیویرردم . فقط امید ایدیورم ؛ قورقویله ، جساتلرلکه بلکه دیورم ..

بن ابدی قازا کقلره دالقدن صوکر خیالی خاطرمدن غیب اولمایان اینجه ، بیاض پارماقلر سنک
 صولغون یپراقلرکی چویرلر . بلکه دیورم ، کوکلی ابدی ماتمه صوقان آلا کوزلر سطرلرلکه

برناتیه اولسون دولاشیرلر . اوزمان سن کوچک یتدیکی قدر فریاد ایت ، باغیر . سوبله که بوداغنیق
 پریشان سطرلر ، پریشان برقلبک علسلریدر . و اوزوالی قلب بتون حسلرینی ، بتون دویغولرینی دوکدی .

اوداغنیق ، آواره حسلری قافیهلرک ، مصرعلرک آراسنه صیقیشدیرارق سکاسوسلی بر دهمت

ویرمک ایسته مه مشدی . ذاتاً ایسته یه مزیدی ده . . . زواللی صولغون یاپراقلا ! فریاد ایدهرک سویله یکه اوانصافسز روحه . پیکارلرینی توکنمز بریانغیندن آلان کوکملک ، سطرلریک زده کی عکسی شاید کافی درجه ده حرارتلی دکلسه ؛ یالوارارق ، یمین ایدهرک سویله یکه اوانصافسز روحه که بوقباحت حرفلرک وکله لرک در . بوقباحت اونلرک در . چونکه کوکلدن یرلری وکوکلری طوتوشدیراجق قدرطاشارق دوکولن حسلم ، کله لرک دوکدیریحی یوزینه دوشدیکه صوغودی وصیحاقلغنی غائب ایدی .

فقط خایر ، خایر ، اینانام بن بوکا . صاقک بویله برشی سویله مه یکه ، ای پریشان و داغینیق سطرلر ! چونکه یالان سویله مش اولورسکز . چونکه کوکملک یرلری وکوکلری طوتوشدیراجق قدر طاشارق دوکولن حسلمی امین اولک که کله لری ده طوتوشدیردی ، اونلری ده قیزیل علویه بووودی ، اولولر ابدیه قدر سونیه جکدر . اولولر ابدیتی طوتوشدیراجقدر .

هلمی ضیا

(مثل اعلا)

هلمی:

قرآن کریم واحادیث شریفه دن استخراج ولئوب دین جایلیمزک اساسانی تشکیل ایتمکده اولان ؛ (مؤمن به) نامیله یاد ایتدیلیمز [آمنت بالله الخ] آلتی ماده جه یکه معلومی اولدینی وجه اوزره شعار اسلامده که دبی ، دینوی نه قدر فضائل اسلامیه ورسه جماعسی بو آلتی ماده نیک نمراید .

بو امهات اعتقادیه مزک اک کوزل دلیللری بالذات قرآن کریم واحادیث شریفه ده موجود اولدیلغدن ائنه دین بوایکی منبع اصلیزدن هیچ برصورتیه خارجه چیقمه لزوم حیس ائیمه رک یالکیز بودلیللری بیان ایله اکتفا ایتمش ویک مقبول وعین زمانده ده غایت معقول برحرکنده بولمشلر در . هر درلو خطا و قصورلرینه رغماً اسلامک وحدت فکریه سنی محافظه ایتمش اولان امویلردن صکره عراقده تأسس ایدن حکومت عبا یه زماننده ذاتاً بوزولمغه باشلامش اولان وحدت اسلامیه بتون بتون تارمار اولمش واورنایه درلو درلو مذهبلر چیقمش ایدی . بوصیراده کلامیونک سر دفتری اولان ابوالحسن الاشعری حضر تلری ظهور ایدوب اهل سنتک اقوالنی مدافعه یه حصر مساعی ایله میدان آلمش اولان کونا کون مذهبلری توفیقه و بعضلرینی دخی اهل سنت اقوالیه توفیقه موفق اولمش ایدی .

کندیلردن صکره (ابن مجاهد) وسائر کی تلیذلری استاذلرینک اثرینی تعقیب ایتشلر و استاذلرینک طرفدارلرینی تکثیر ایتشلر ایدی . (ابوالحسن الاشعری) حضر تلرینک تلامذه سندن اخذ علم ایدنلر اینجده یک مشهور (قاضی ابوبکر الباقلائی) ^۱ایکنجی (ابوالحسن الا - جری اولمش و (طریقت اشعریه) نک امامت مقامنی اشغال ایتمش ایدی .